

大清光緒十三年

本館新聞除禮拜外日出一紙諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人操印工藝甚精所有中西文字均能刊印並有石板印字大小機器均用精工刷

第一千八百二十六號

申報

本館開辦在英大馬路五十五號

印工總絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實里而後敢登但來稿登與不登均不能將原稿收回也 本館謹白

丁十一月初二日

凡閱報者每月一元每日每張五仙(大英一千八百八十七年十二月十六日禮拜五)凡印告白第一日每一字一仙第二日以下每字半仙

精緻華英月份牌出售 ○敬啟者戊子歲之月份牌現經印就即在本館發售不似舊畫之工紙墨之美而且較對無誤刻印玲瓏蓋是歲本館再為加工精心構撰故款式甚多無論白紙蠟紙色紙與夫描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹啟

新印電報冊出售

○啟者茲本館新有印出電報卷冊概用上等西紙以英字排列而成冊內各篇其字形號數均有不同最便商場之用若自行定印則工價甚昂茲本館因自用之故增印若干本以傳於人是以取價甚廉 諸君有欲購買者請即 移玉惠臨因所存 多遲則恐有不及也 本館告白

多設異途以勵人材說

或問近日所以材少之故曰誤於鴉片更問其次曰誤於時文或聞余言色然駭曰時文何可與鴉片比則告之曰子勿怪也夫鴉片一物產自印度熱以為膏能使吸之者弛筋懈脈廢時失事自明代流入中土迄於今三四百年文士雅流往往嗜此洪經略承疇嘗言天生種類不害其國必害他國非人力之所能絕此誠中國人材消長之機也然而物也物能縛庸人俗人不能縛真材人往年直省學臣有嚴申功令禁止應試生童吸食者要之萃千百讀書種子逐加考驗其中吸烟者不滿三之三况乎士果有志幡然振作則今日雖吸明日可戒安見竟不能擺脫獨時文取士雖有心知其失而無敢昌言之者即能昌言其失而草茅寒酸更無能舍是途以進身者士子舍是途無以進身於歷五經甫畢便舉平居枕肱之功研鑽之力一切用之於時文理頭數年微俸一戰小試傳矣則有鄉試鄉試傳矣又有會試必俟會試入彀而後得為出身階級層累已足耗糜學人之精力况又有終身不得售者或利小試而不利鄉試或利鄉試而仍墮會試席帽不離罡風屢遇光陰荏苒而其人老矣不能復為世用矣如此者莫非時文誤之然使其人本無才與雖有才而不適於用猶皆不足惜也所可惜者莫如以才流沉淪場屋具胸中未始無守常濟變之略其目中未始無博古通今之識卒不能圖一進身不得不倦就束縛循循於有司之繩尺年少氣盛初不自知其難及至蹉跎半生桑榆望切每有勸改故業而心不屑者亦有欲改故業而力不從者窮老盡氣抑屈沒世故昔人謂時文為禁錮才人之具良非虛語為今之計其將變而革之乎曰此法自明祖創格以來垂六百年我朝率由舊章士子耳濡目染入人之深非朝伊夕一旦驟欲易其趨向奚啻南轅而北轍若起乎未易諱變也勢未易變而又不得不不變則莫若姑存此時文一法而別開數途以為取士之經所謂開數途者奈何曰行舉言揚今日已斷斷乎不能復矣而賢良鴻博諸科似亦非今日之所急宜乎今日者曰天文曰地理曰算術曰格致曰製造曰洋務總言之曰實學此外經學史學果使有裨於實用亦當並存而不廢至於時文則藉以歌頌昇平粉飾鴻業如向來宗科考之先取詩賦但備一格而技藝者之去取應試者之得失不係乎此如是則士人趨向自然重實學而戒浮夸日移月易去偽存真人材不必勵而無不勵矣或曰子亦向此中討生活者何其嫉時文之甚也曰否否凡人身居門外則不能深知風波吾惟會向時文中討生活者故知時文之實在無用且用志不紛乃凝於神天文地理諸學專其一即精其一時文不然今課一小題下課一大題下課又一搭截題具大力者不必具小心解挑剔者不必辭發揮門多法專精愈難人果以習時文之功改習他業既無方圓鑿柄之嫌前有事半功倍之效此亦非過來人不能知而不能道者也

諭旨恭錄

○十月初四日軍機大臣面奉 諭旨本月初九初十日均着推班欽此○初五日奉

旨國子監博士員缺著劉東美補授湖北廣縣知縣員缺着彭廣心補授山東東阿縣知縣員缺着胡建樞補授河南確山縣知縣員缺着施廷弼補授貴州永從縣知縣員缺着岳廷楷補授奉天府經歷員缺着楊敬修補授柳恩培着以知縣用余躍龍着以知縣用翰林院筆帖式員缺着英祉補授李廣樟着准其補授陳邦瑞着照例用徐紹垣着以運判儘先即補郝炳綸着以知縣儘先即補沈守康着以道員選用惠年着照例用欽此○初六日奉 上諭剛毅奏特參庸劣不職各員等語山西巡安府同知錫沅年力衰邁精神委頓着勒令休致汾西縣知縣門精榮辦事乖方行止荒謬着即行革職寧鄉縣知縣王取綸性情迂緩難膺民社惟文理尚優着以教職歸部選用以肅官方餘着照所議辦理該部知道欽此

交應務派領辦圖章懸掛以答 神麻至所請飭加 城隍神封號之處着禮部議奏欽此

保護婦女 ○大英國特使新嘉坡等州府華民政務司為 曉諭事照得保護婦女新律現已批准舉行嗣後凡有婦人女子欲往別埠者不論新埠麻六甲新山日裡芙蓉吉隆等處地方均須於輪船開行二十四點鐘以前到署稟知方准前往否則惟担保人是問照律嚴辦以杜弊端切切此諭汝其慎遵毋違

購辦軍火 ○德國近來所製新式火藥最宜於行間所用中國現已仿行製造惟現在仿製方新不敷水陸各營之用已文寄德國託製新欸洋藥三千担運回中國以便戎行可見中國講武之殷實不遺餘力矣

遊行折足 ○德國近來郵簡有云中國駐德參贊官某君於西十月間一日徒步出行路遇火車不及為之趨避以故其足為車所傷頗就危殆幸遇德國員醫治乃將其足鋸斷另換木足以代行步現在業經就愈須俟所用木足稍為純熟可以行動自如即可回國理事矣无妄之災其是之謂歟

人而獸行 ○男女居室人之大倫聖人不以為非降及後世邪風日行遂有勾欄曲巷之遊然猶不失男女交歡之道乃不意世有其人竟合正路而就歧途卒至謀敗計窮出乖露醜致貽千人笑罵者乃如之人洵可謂人中之禽獸矣麻六甲有某甲者諱其姓名但舉其神說曰八個月其號之怪也如是亦可想見其為人矣甲固頗饒於資生理亦殊不薄固雖然附於聲望衣冠之列但其素性則與人殊有斷袖風雖遇粉白黛綠當前而甲實視如嚼蠟惟每遇南風不競則無不色舞神飛近設一間館招引無賴少年終日營營所作者皆不可告人之事時有某客年華甚雅而風姿綽約有張子房貌如處女之風甲一見而悅之以為再世彌瑕不是過也也是留心勾致聞客欲託一枝之寄因以重聘厚為延至待為上客而該客方以甲為知己正深感激遇事盡心為其經理甲以客報己之切自念此必可圖乃於深夜關之客拒且怒翌日即為辭去遂改業為水客常由甲往來於芙蓉等處未幾甲亦携資往芙蓉辦貨適遇客於某肆之中甲一見即魂斷神馳幾不自禁胸懷頓觸而謝過故亦置前恥於不問怡悅色與甲周旋甲亦以為客當感其癡情必不致若前番之魯莽然須以利動之或能如願乃取銀出七百元交客因曰此物煩君代為存貯倘君能如僕所願則僕亦未嘗不能如君所願也客不解其意因唯唯取甲銀而藏之甲益喜以為客果為利所動遂語客曰僕見店內諸人甚雜意欲借君之室下榻稍避煩囂未悉君能俯就否客以為此亦人情常事何所不可因諾之甲遂被至客室中因下榻焉入夜甲故沽酒市脯與客在室內共酌將欲乘其醉而圖之也詎客酒量甚洪甲竭力相勸僅得微醺未幾飲畢客因倦甚先登榻而眠甲以客睡味方濃不啻碧桃紅藥乃坐於床前陰為搵弄詎客固未醉見甲情形知其慾心未斷怒甚即飛足踢之甲遂傾於床下客復起執之痛毆於時喧聲大震店中諸人齊起至客所問故客告之眾聞言且笑且嘲且怒且罵客頓露其醜態實無面目見人遂乘夜遁去而客固胸懷坦直以甲寄頓之七百元為無義之財不屑取之即於翌晨取而償甲甲於是聲名揚播恐貽笑於市人遂不敢辦貨登即擊旋甲云噫若甲也者洵屬有玷冠裳試令其清夜自思得無愧殺否

頑童可惡

讀易而至山水蒙乃知童蒙之不可不養正也明矣蓋以入聖難入狂易聖狂之界繫於齒齡倘不先正其始將來一發難收遂於聖賢中少一佳子弟即為宇宙內增一下流人誰為父兄而竟令其子弟日習於匪僻之流哉如本坡有所謂山頂公司者其中儘屬冲齡頑惡性成弊端百出間聞騷擾化外難馴推其故孰非父兄之教不先斯子弟之率循不謹乎撫此頑童曷勝痛恨哉廿八日武吉巴梭有謝某者其值持有汚服一包赴於某店辭讓出於門適有頑童一班當道嬉戲見謝值手持錢鏰遂起貪涎欲喚其賂以圖驅去謝值知其術不肯赴博該頑童竟相率以毆謝值避之弗及奮足奔逃不料頑童奮願難償餘念未消乃暗伺道傍猶欲交擊迨謝值携有潔服賦歸狹路相逢復相毆擊值奔歸謝覺潔服復汚詢其類末值備告之謝怒出門以察猶見頑童當道咻咻不已謝故擊之該童懼如鳥獸四散惟於迷時則謂拜賜之師行當在即迨至日暮謝於夕後散步閒遊詎出門前不過數十武外竟被頑童率其黨眾各持木棒或挾鐵尺尾後亂擊以雪齒仇謝於昏暗中不及細察竟受荼毒旋見該黨眾多恍若虎在平原一般故急避兇鋒遁入該處酒店以圖躲避而該頑童追至門前猶未散去時適有某西人在酒店方浮大白以此頑童乃風斷不可長故欲追而擊之諸頑童始行逸去而事遂寢云

孽孽作盜

潮人某甲性浮蕩嗜好賭不事生人產業惟日與無賴遊不知所返嗣以生活無計因作航海汗漫之遊遂附航至助第以初到叻境人地生疎乃依其戚陳乙之家陳乙者粵籍人忠厚長者也以甲作己為居停之主實以其天涯作客恐為淪落他方遂勉為東道雖明知其平日行為不掛通人齒頰然莫其改過自新庶不至失我栽培之德以乖戚屬之情然甲亦以指天誓日力改前非謂挫折如斯尚敢甘為暴戻耶孰知甲自寄寓以來向未露其惡跡而究之惡念常萌未能改悔於廿七日伺陳外出即破其篋竊去衣物及金戒指一枚並英銀廿四元飄然遺逸嗣陳歸寓見其篋筒破爛細察情形始知被甲所盜欲為報案嗣以孽孽之情不容斷絕姑為隱忍以全面目焉若陳乙者亦可謂有忠厚長者之風矣

毆徒被傷

廿九日小坡有潮人蔡某承其主命持有錢鋪二札計值英銀十元欲為交還某號出於門適有其友某甲遊過於道遂詰蔡往蔡告之甲乃佯求展緩約相繼魁偕遊蔡不允甲竟挾之偕行車至皇后大街先有二人伺於道中與蔡相逢一聲疾呼三人交擊蔡不解其故驟避兇鋒隨將手持錢鋪向一人投去遂中頭顱涖流鮮血昏仆於地其二人怒疾聲鳴捕適無巡差察至故葉則乘間遁歸焉其葉之被擊據謂其三人向皆相友近以口角微嫌故與聞罪之師特着甲為之線引焉已噫友道乖漓一至於斯出門交友可不慎歟

戲竊被執

粵人蕭甲陳乙向相友善蕭常以販賣錫器營生於去月晦日荷有錫器販至牛車水是時適為粵商賽神出巡道經此間蕭故置錫器於道隨向人叢中乘輿以觀不料陳亦遊觀至此見蕭目注斯會色舞神飛爰戲拾厥錫器二具欲為遁逸而蕭猶未知也適為暗差察覺遂以為陳竊盜之徒爰捕執之嗣經蕭覺乃多方向差求宥差亦不允竟將陳押至捕房而去究未知作何辦理也

臺城雜錄

近來雨澤稀疎山田大涸以致米價驟漲每石約需三千又菜蔬亦頗名貴且因寒冬無計匪類甚多高郵蔣某備于金陵得工值十餘千前日進城添補寒衣中途遇騙長物一空次日東方未明黑市正在交易之時又有一匪人手持一物似何首烏意欲乘人不辨之際驟取人財為巡役所拿即欲送究幸他人出為力保始放之行○日前有某兵船自臺灣裝運三江營兵一千餘名前抵下關聞此等兵士皆因染病老弱被撤而回登岸後由委員各發川資五元俾令回籍劉省三爵帥并有文書咨達江北浦口營某統領着添招少年強幹勇兵八百名前赴臺灣以為雞籠防守之用又會制帥刻下辦理賑務深恐飢民大衆滋生事端故亦欲招兵若干以資防範此說未知確否○湯小秋觀察政行赴京一節曾列前報所遺籌防局差委章觀察玕辦理所遺撥捐局差委朱觀察培接辦并委李觀察鎮邦為善後局會辦吳觀察炳祥為支應局會辦其清節堂委員羅司馬樹勳現奉藩憲牌示署理海州知州儀徵河工則委候補道丁觀察葆元洋務局委則候補縣葛大令培義接辦所遺海運津局署辦差着桂明府接辦又奉旨遊歷英法印度以及德奧比丹等國人員李春曹主政秉瑞由京啟行于前日到省拜會制軍不日即當啟節○石少珊明府籍本金陵會署湖北漢陽縣封翁東山觀察前由李傅相保舉二品頂戴賞戴花翎辦理本城報銷局事務奉公守法作事勤能上年因病卸差又經制軍奏請獎勵刻奉 上諭加贈內閣學士一時親友均往賀喜○城北鼓樓地方居戶甚稀方六七里間烟樹叢雜以魚塘菜圃青溪掩映絕妙畫圖安慶某甲結茅其中編竹為籬雅得田家之樂甲艱辛勤苦故春初早蕪秋未晚耘老圃所餘可無凍餒刻下西風剪剪非菜盈畦雪甲霜枝禦冬有具惟山狼野兔時出沒其間將菜枝食損故外間自攜火鎗時往巡察不意誤擊某姓之馬倒斃水塘畜主聞罪而來罰令賠洋十元始能煞尾

剿辦土匪

奉天一省荒地多而居人少加以山嶺叢雜偏地荆榛失業莠民伏處其中遂起而揭竿為盜前聞海龍地方有人倡亂聚黨至六七千人官兵往剿未能得手茲又續聞倡亂之處離海龍尚有三四百里其黨聚散不常頭目眾多亦非一起其中多敢死之人九月初八日駐紮陪都之常勝營與之開仗官兵死亡三百數十名奪去來福槍三四百桿及火藥洋炮等取耗既傳凶險愈熾於是左冠亭軍門率所部營勇前去以期滅此小醜聞亂黨所聚之處四面皆山其中平原沃壤有糧可資有險可守官軍到彼必須步步進逼審與以圖庶有掃穴擒渠之一日也此係營口信所述

惡報不爽

東門外北橫街尾某甲年五十一餘之老翁也室中惟一妻一姪而無子姪年十二父母皆亡視猶子為己子也家道甚貧現仍以負販為生前壯歲時曾與某乙合夥於南雄作紙張生理鼎力營謀歷年積存三百餘金乙家中妻室早故遺一子僅數齡寄養於外祖家嗣乙忽染病將亡店中遺資囑甲代權願懇歸其柩而挈其子甲一切唯唯如命迨乙亡後竟負初心乙岳不知乙有所積聞訃後惟嘆其命之不祿痛其子之少孤而已乃未幾而乙子夭亡甲亦生意日落亟收拾餘燼獲數百金而歸遂任乙柩厝郊外不代歸其喪歸後欲作延嗣計立一妾未幾為邪祟而死因撫兄子如己出人無知其隱者前月望後其姪忽染疫症醫藥罔效甲驚懼巫祝之事日演於庭而術不少應隣有老嫗某憤與人佞神鬼謀食者前月某夕方與甲姪祈禱在門外焚化冥實忽奔入危坐作乙語歷數甲負心之罪謂向討爾妾仍未足償欠項吾子之死蓋亦由爾吞沒吾費至無以醫治而亡今須取還爾姪相抵甲聞說木立色如死灰不能置一詞甲妻向已微悉其夫吞沒乙項急跪為之求解老嫗已仆地而醒詢之無所覺甲驚悔無及翌晨姪遂殤當時隣右咸聞姬言皆吐舌相告莫不謂報應之速焉

慈眷優隆

醇邸庶務紛繁積勞成疾恭奉 懿旨所有海軍衙門以及神機營印鑰特派慶郡王暫行佩帶以便養病醇邸感恩圖報不自暇逸所有兩署公事仍令五日送閱一次躬自裁處聞前月杪舊疾復作夜不成眠經國手凌君診治兩日之後病勢稍輕 皇太后聞之殊系 慈屢欽派內監兩人在府長川駐守一切公事不准投遞俾得安心調理醇親王之賢勞國事 皇太后之眷念親藩際均堪千古愚到檳城與秩軒李廷蘭言乍叙即訂知音萍水相逢恍如舊誼評章摘句風流之軼事堪思論古談今偶儻之性情如繪及讀百花譜集快遊百卉叢中具茲百斛文泉超出百家之上願誦百回低徊百轉弟吟風有典咏絮無才俚句偶成效顰勿笑即請 德軒仁兄先生詞壇唱政 ○一經觀面便神交氣味如蘭曲曲包話到濃時情更愜詩從好處韻偏嚴利途得失空中定今古功名暗裏教幾度思君君不見心隨明月上花梢 一庭書畫是神仙萬斛珠璣筆走圓似我無才殊落落如君高雅最翩翩文章聲價由來貴花月因緣到處牽正是清新兼俊逸


印度大藥房告白

啟者本藥房自去年開張以來多蒙城中諸君賜顧故現在親自向歐洲督辦頂上真料各種藥材不時預備甚相宜無論男女老幼病症輕重如要醫治請到館示知便即登門看症分別發藥手到回春每日開門自晨早七點鐘至晚十點鐘為限請有就教者請移玉至小坡大馬路寶得力馬房對面第七十五號門牌詢問便得併此佈聞

大英一千八百八十七年八月十八號

西醫羅實葛謹啟

活亞士堅公司告白



啟者本公司向來開股本坡久為中西商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多並舉以告海內諸商翁知悉該公司向來開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美製作復精所以能遠譽於本國鄰國及天下各國者皆為此也現計該公司所製造之器械甚多筆墨難以盡述更不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件以堆積如山即不可枚舉茲因篇幅太狹不能盡錄以備諸翁翁覽請擇其要而通行者略登報端以為諸君採擇焉如水厚水筒皮帶等其價較別家稍為相宜貨而亦視別家為特妙請諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大器之機器以及水厚等名機器亦是名目太多不能備列謹此奉告尚祈實然賜顧為慰現本廠已遷至工部局貨倉左鄰近復分枝一廠在吉隆坡仙四師爺宮後大馬路至下巴雙河邊橋頭右邊開張以便吉隆諸君選沽機器以及修理機器等事請諸君光臨請移玉趾是荷

大英一千八百八十七年十一月九號

活亞士堅公司謹啟

上等呂宋烟出售

啟者本行由小呂宋督辦上庄葉呂宋烟發售其貨均屬上等並無低貨摻雜且價甚相宜其中每箱有廿五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與諸君代辦小呂宋各貨諸尊賜顧請至土庫花園邊奚爾堅洋行之後面與密加釐士打索路店隔鄰本行相酌是荷

大英一千八百八十七年十二月七號

俄士連洋行謹啟

RIGAND'S KANAGA WATER.

列頭干那芽花露水 ○此水係以干那芽花所製其花出自日本國中香冠凡卉乃列頭君在日本探辦載回法京製成此水以故其香甚清而其用亦甚善如皮膚有皸裂等病抹此香水固能愈痊尤可解蚊口之毒若以香水和水盥洗固能令人肌膚嫩滑顏色光潤且瘡癩不生本藥房製成此種花露水銷流已久遐邇傳揚不料近有德商仿照本藥房所造此水以圖射利其質氣味遠遜迥隔霄壤諸尊有購買此水者請看以下所列第一款之西字標頭本藥房所用製載此水之樽係有浮凸字樣如下所列第二款且有西字註明列頭公司字樣如標各均有細書號據始為真貨否則係為混冒尚祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

“KANAGA DEPOSE”
4430.

MORRHUOL.

模好呂解毒葆元藥丸 ○此丸端治虛損吐血花柳傳毒咳嗽哮喘日痛重舌等症其效如神且不惟解毒兼且能調和營衛葆養精神現用法英美等國醫士所用花柳敗毒之藥均用此丸無不藥到病除立見春回若服此丸須仿照魚肝油之法要緩緩吞下必於用飯時吞服一二粒切勿誤為急吞以背服法此丸係以樽裝載每樽計一百粒現託新嘉坡藥房麥加君處代售此佈

大英十一月八號

SANTAL MIDY,


DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒口濁白帶癰閉一切等症如症雖甚痛服之立止而服藥後約歷二三日即見功效但所患過重者須每日吞服六次每次吞服二粒至痊愈後亦宜再服十日庶得消除後患永絕根株惟服此藥時宜戒色慾氣怒勞動等事幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.

浮律如里馬藥糖 ○此藥糖係採鮮果之汁加以藥料和製成塊略如糖粒氣味甚佳而其功效較於瀉油為甚無論男女老幼均能服食且其味有如糖菓最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚發癢等症服之亦可涼血行滯且能令臟腑潔淨痼疾立除但服之法宜於臨睡時服一二粒至翌早飲茶一杯須臾即覺大便通利身體爽快現此藥託交新嘉坡藥房麥加君處寄售此佈

啟者本公司製造鐵開器在新嘉坡商落亞逸尾地方交易多年專造一切靈巧機器火礮火礮改大礮槍之器具及大小輪船汽機鍋爐並各種新式鋼鐵器皿一應俱全無不堅固耐久靈便合用麻六甲地方本公司開設有分廠道




代中西士商修整各種損壞機器工價格外公道如有 貴客賜顧者請至本廠面議特此佈聞 西一千八百八十一年十二月廿六號 總來安公司啟

美國峇打妙厘號新欸時鏢出售

啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度果黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生精二利也又其鏢機輪甚佳且殊堅固最堪耐久即便年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆修故也此表在美國係用機器製造計每日可成表二千枚故其料美價廉誠非他家可及而峇打妙厘製有表鍊以多各欸俱備且其欸最新其工最巧較諸近來行用者又勝一籌矧其價復甚廉每鍊價僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街匯豐銀行之鄰 諸君惠臨疑移 玉趾至於本坡則惟本行代理並無別家並此佈聞 諸惟惠鑒

大英一千八百八十七年六月十五號 大清光緒十三年閏四月二十四日 莫實得洋行謹啟

蜜酒出



啟者本行由歐洲辦到上等密酒 來叻發售其酒甚佳茲將標頭印出 諸君光顧祈為細認免致有誤倘 有無恥之徒假冒本行鎖匙標者本 行定必嚴為控究再此酒不能販往 加勝吧 三寶 泗里末 望加錫 檳榔嶼 日裡等處其 他各埠均能運往並此佈聞

一千八百八十六年十一月十日 明也洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在內係本行代理承保各商貨物銀項運輪船來往各埠其保費相用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸商賜顧者請至本行面商可也 大清光緒九年 月 日 英一千八百八十三年八月廿七號 毛質德公司謹啟

啟者現本館新由上海石印各書百餘種茲以廉價發沽諸尊欲採辦者請到本館選購是荷至其書目太繁不能殫述其詳白覽可也 謹啟

風流堪繼李青蓮

笑春張汝梅拜稿

檳城聚首竟成文字之因緣書館賦心遂以詩章而惠贈信是詩言其志杜少陵別有風懷乃知情見乎詞王仲宜中多感慨約捧臨之餘爰即如命步還微祈 笑春先生指正 ○天涯萍聚訂交蒙惠珍珠茗兩包游目梨園同賞鑑得心詩草讀推藏風塵作客情難遣旅邸論文事懶教高里平安歸路遠送君心掛錦帆情 曾經滄海便神仙活潑游觀智倍圓破浪允符龍躍躍乘風還舞鶴翻翻傾城偶會緣前定熟屬相思別後牽歡喜與驚濤泛遠迨遙如太乙乘蓮 愚弟李灼字燄軒和於百花吟館

步 張笑春先生贈百花詩客原韻即呈 斧正 ○相逢萍水便論交談到深時味曲包詩合唐音人共賞業精盧穉子頻敲海濱聚首原非偶風月多情獨羨英聞道歸帆將飽掛我心先已逐蓮梢 飄飄得句欲如仙跡乘玲瓏箇箇我本勞人真草草君如公子竟翩翩天 澤作客兩愁兼旅邸賦心別恨牽幸有知音堪賞鑑千秋同調李青蓮 薦三鄂鄂元拜和

京報選錄

○安徽巡撫臣陳彝奏為查明鳳淮等倉添銷案內未完一分以各員職名備案繕具清單恭摺仰祈 聖鑒事竊據

江安糧道馬恩培詳稱案奉戶部咨行條陳籌餉案內奏定所有錢糧奏銷各依定限令各該督撫一面具題一面先將未完一分以上各員名開具清單專摺奏報由部核定處分先行覆奏其有奏後續完者准其奏請歸本案開復此外鹽課漕項凡經手錢糧各報銷有關處分者一律照此辦理等因又奉戶部咨嗣後奏報未完職名務須開單註明各該員已未完分數及實徵已未完各項數以憑考核等因先後通行遵辦在案今催查道光緒十二年分鳳陽淮安二倉及江甯倉撫米 奏銷理合遵章將經徵接徵未完一分以上各員先開清單清單並註明已未完分數銀數詳請具奏前來臣覆核無異除將此案奏銷核明具 題外謹將清單恭呈 御覽理合會同兩江總督臣曾國荃清選

總督臣盧士杰江蘇巡撫臣崧駿恭摺具陳伏乞 皇太后 皇上聖鑒 飭部查核施行謹 奏奉 硃批戶部議奏單併發欽此 ○奴才

穆圖善慶裕跪 奏為奉天換練兵丹撤補足額入伍操演已有規模可勒恭摺仰祈 聖鑒事竊盛字營練軍於本年六月初一日一年期滿應遵原議更番換練撤半開農補半入伍所有更換事宜前經奴才等會奏在案旋據兵司呈報兵丹全數調齊奴才等會同挑選身體偉壯年力富強者計挑一千七百三十五名制兵五百名共挑二千二百三十五名足符撤補之額內除教習由京調營戈什哈共五十名仍占原額不換外即以西丹換西丹制兵換制兵飭由總統統統轉交兩翼統領令其入伍操演其應撤回兵丁共二千二百三十五名已飭兩翼統領分晰

造呈清單分咨備案其應給津貼亦即按月按名發給俾資養贍之費並飭司傳知各旗佐所撤兵丁不准他出謀生以其兵力之厚與奴才等現於七月二十六日會閱各營兵丹新舊合操聲勢向屬聯絡步伐亦有規模奴才穆圖善復逐日親閱打靶校量準頭命中亦有四五成之譜當即嚴飭該將領等將此認真督操精益求精自能成爲勁旅現在奉天換練事宜辦理具已就緒奴才穆圖善即擇於八月十三日前往吉林

校閱隊伍吉林換練情形前經吉林將軍咨商奏明緩至秋後應如何舉辦之處屆時再會同吉林將軍希元妥商具奏至奴才穆圖善起身之後奉省諱營如有緊要事件應由奴才慶裕隨時酌辦所有會閱奉天撤補兵丹入伍演練情形並奴才穆圖善起程日期理合繕摺會陳伏乞 皇太后 皇上聖鑒 再此摺奴才穆圖善主稿合併陳明謹 奏奉 硃批知道了欽此 ○署理福州將軍兼管閩海關稅務奴才古尼

音市跪 奏為閩省洋藥稅釐歸併數議將第一百六結期內福夏滬打四口開辦之日起遵照新章徵過銀數繕具清單恭摺奏報仰祈 聖鑒事竊奴才迭奉總理各國事務衙門函電及抄摺行知洋藥稅釐歸併會同稅務司合力稽徵業將開辦日期既綜核徵數大概情形恭摺具奏在案茲查閩海關福州廈門滬尾打狗四口自光緒十三年正月初九開辦新章起至三月初七日屆滿第一百六結期內徵過稅厘銀兩

按照洋稅收支章程分晰正稅釐金兩項銀數隨同結期奏報俾清界限其自三月初七以後徵收之銀應歸次結核辦仍按三個月奏報一次扣足四結專摺奏銷以符洋稅定案除分咨總理衙門戶部通商大臣查照外合將本結併徵洋藥稅釐銀兩數目查照結期恭摺奏報謹摺具清單恭呈 御鑒伏乞 皇太后 皇上聖鑒 奏奉 硃批該衙門知道單摺發欽此 ○署理福州將軍兼管海關稅務奴才古尼音布

跪 奏為閩海關洋稅遵照新章改題爲奏謹將第一百六結期內收支數目分晰繕具清單恭摺奏報仰祈 聖鑒事竊照各海關徵收洋稅案經總理各國事務衙門會同戶部奏定章程改題爲奏俾用親填等簿行令各關將收支數目按結奏報一次扣足四結專摺奏銷毋庸按照

關期題銷以清界限等因所有閩海關福廈二口自第十三結起至第一百五結止按結收支洋稅各數目均經遵照新章分別奏報在案茲查光緒十二年十二月初八日起至十三年三月初七日屆滿第一百六結期滿福廈二口收支洋稅各款銀兩仍應循案按結 奏報其循照向

章支銷經費各項容俟扣足四結時造冊奏銷以符定案除將結收支數目循案分咨查照外理合恭摺奏報謹摺具清單恭呈 御覽伏乞 皇太后 皇上聖鑒 奏奉 硃批該衙門知道單摺發欽此 ○潘蔚片 再前准部咨奏定章程道府州縣無論何項勞績保歸候補

人員應以到省之日起扣限一年期滿詳加試看出具考語奏明分別繁簡補用等因歷經遵辦在案茲查有候補知縣汪應麟蒙已試看一年期滿應行照章甄別據藩司李元度署臬司黃元善造冊會詳核奏前來臣查該員汪應麟年強才練堪以留省補用除冊分送部科外謹會同雪貴總督臣岑毓英合詞附片陳明伏乞 聖鑒 奏奉 硃批吏部知道欽此